

Wgabguits dmiguiedz naca ti dzi'n ne nzac ne run grë wxhtisxialguic ne wxhtis ne bzo guiedz tsin gacchob guielracnan lad menguiedz tsin guienme xa racxhtsin ne pa zie dmi ne rgab lo guits ne xa racdiná.

Wxhtisdo ne Rnabey lo Gdiblà bza ti wgabguits dmiguiedz iz 2019, tsin glume lo grë menguiedz xa mbédó rac xhtsin grë dmiyulëw. Pa rrie'w ne pa zie xe dmi lu'.

Izri dmi me bne'dzme lo guiedz rga' \$69,786,474,928.00 Len chop guitsnondo' ziedá, tiba nac di'dztip rtopedmi ne di'dztip wlidinedmi.

Naná ¿Pe nac di'dztip rtopedmi ne penac di'dztip wlidinedmi?

Le di'dztip rtopedmi naca ti guitswtixh, lo ca ziedrne' xa rto'p wtixhengol dmi, **lo di'dztip wlidinedmi** naca ti guits non lo guieldzin, lo ca zied palalá ne pe dzi'n gun dmi chen guiedz ne xa gun xhtsi'n men gza tson guielwnabeyá, men yulëw, me bnich ne run dzi'n lo wtixh.

¿Xa gac? Ne gun xhtsinngui xhmë wxhtis dmi guiedz, ne gunmew ngui ne niew yo gaquenzacá, yo ne tsienalme xnëz guielrgab dmi, guiénme dien pe dzi'n guna', gadz ncuane rgab low.

1. Gac di'dz dien pe gac
2. Yquie lo guits dien pa dze gaca
3. Ygab dmi
4. Yquienap ne güine lo dmi
5. Tsienal ne dzi'n
6. Güine dien xa rac dzi'n
7. Xa rac xtsi'n dmi.

¿Pa rrié dmi?

Lo grë dmi ne bdop iz 2019 ti 94.83 lo gayow naca mine ptop wtixhzguit, min 4.73 lo gayow naca min ne ptop wxhtis La, ne 0.44 lo gayow naca dmi chen bnich.

¿Pa nëz zied xedmilu?

Tson nac ncuane gacbey tel ne racladzlu' gacnanlu' pa nëz rey xhedmilu'.

1. **¿Cho run xhtsina?** Zig rne'ne, cho nac men ne runxhtsin dmi, nú rgab, wxhtis di'dztip, wxhtisguielwxhtis, wxhtis xa', yudzi'n chen wxhtis, men run xhtsin mendzi'n, ne yulëw. Izri lo gdib mendzin goc wded \$52,213,768,695.96, lo men wxhtisguielxhtis bdedme \$915,270,852,60, lo men guiel wxhtisdidztip goc wded \$492,975,972.80, lo wtixhxa' \$2,102,299,276.31 ne lo grë Yulëw 14,062,260,130.33

2. **¿Pe lo rac xhtsi'na?**

Lo grë ncuane ne ndzebre rac xhtsina nac Dmirquinlendzé 69.26 lo gayow ne dmiwquinmbé nac 16.97 lo gayow.

3. **¿Pa runa dzi'n?** zac gnene paruná dzi'n tsin güine pe dzi'n rguibne gac ne pe rguibne gunxhtsine xe dmi guiedz. Ladca rgab Wrobguedz, Wrobdmi, ne Wrobwxhtis ne zac gnene Pe dzin rne' wxhtis, ne naca ncuaneladzxa ne ncuane gunxa ne zied lo Wdi'dzdzinchob. Gane lo 54.25 lo gayow ne zied Là naquergab Wchobguiedz, lëw nac zdio dzin ne rguib ne tiba gdzina lo grë menguedz sca grë menguedz guiála.

Guielerguib ne gac dzi'n Là

Sti guielrien ne rlu xha racxhtsin guiellobey dmi nac tsine le ne rui lo dzi'nmë guielwlobeydmi ga zied dzi'n ne gac len Wdidzdzin chob gdib Là. Len izri rgab 79 dzinmë guielewlobeydmi, tibgaw rap zdio'w ne rgab grë ncuane yo lo dzi'n, cho zo low, bla dze gaca ne pe gac, ncuanca gne' dien xha tsienalne guielracdzi'n dmi.

¿Pe zac gun menguedz?

Lo Wxhtis ne Rnabey gdib Là, ncuane nacnon lo xa nacne grë menguedz ygab lo dzi'n, sca zac güine lo lia'dz dien pe glode gac ne zac gaquengui dzi'n ne racle. Gane ne rluná dí'dz lo lu tsin sëblu lo dzi'n.

Wliedzín ne glode gac Là

Tsine le wxhtis cub rzo, rac wnabdi'dz lo guiedz tsin gac xhixhcuá' Wdi'dz ne Cchob Guiedz (WCG), zatne zac gne' grëse menguedz xhti'dzme ne xa racladzme xhixhcuá' guiedz, ractibá grë dí'dz ne rdop. Le WCG naca ti guits ne rne' xa tsa wdi'dz dzi'n len guiedz ne xa tsa dzi'nmë guielewlobeydmi, zac gnene, xhquixlu ne pquieblu lo wnabdi'dz rac güine dien xa gac xhtsin dmi gzate iz.

Wliedzín ne glode gac yulëw

Sca zigne nac Guieldzi'ndo', gzate ne rzo wxhtiscub yo ne tsa' ne gaccub wdi'dzdzin'chob yulëw ga ne, yo gaquewnabdi'dz lo men guiedz tsin gac gne'me xhti'dzme ga menne zo lo guiedz ne yo yulëw ne grë bëdbnich ne yo len guiedz gneme xhtidzme tsin sëba lad wdidzdzin, lëw nac ti ncuane rnabey loguieldzi'n ne rnew xa gacdzi'n dmi.

Guielewcalsa Menezo lo Wrob Yulëw

Ye sti ncuane rgab lad ncuanguiedz naca dien pe rne' men Guielewcalsa Menezo lo Wrob Yulëw (GMWY); lo menri rdzin xhtidz grë men ne zo lo bnichguiedz ne rundi'dz, ne rlis me niamé dien pa dzi'n nac nin ne glode gac ne grë min ne nal.

Wquienap xa rac xhtsin dmi

Menguiedzlu, zac gunlu guielwquienapdmi, guielquienal dien xa zie lo dzi'n, pe dzíngui rac ne xa raquexhtsin dmi ne zied zguit, Là ne yulëw, sëblu' lad Men ne rtop ne quienap dmi.

Sti dzi'n ne zac gunlu, nac glisguiluw, glulu di'dz ne gnegalu xhti'dzlu ne gzet xa nguide runxhtsin mendzi'n dmi ne dmi ne yo nia Wxhtisdo len aplicación Guielquienap Digital-Oax.

Guiewi lo dmi

Men ne rgab len guiedzlu rial lu, gac nanlu ne cuielu di'dz dien xa rac xhtsin xedmigüiedz, gane Wxhtisdo' rne'dz lo lu zatne gac güilu xa ngui rac xhtsin guieldmi zatne zac güilu guitswgab dmigüiedz, ne guitstip dmirdop ne guitsrip dmiwladin lo <https://www.transparenciapresupuestaria.oaxaca.gob.mx>.

Tiba guienne wgabguitsdmi

Tiba gzane guielewdzië'

Spot 1

Wxhtis Gdib Là bza ti wgabguitsdmi guiedz 2019, rladzme guién men guiedz ne gunbey nberolme xa rac xhtsin dmigüiedz.

¿Pe nanlu ne izri, bnedzme dmi ne rdedá lo 69 mmdp? Chop guitsnon goc xhtsin, di'dztip rdopedmi ne di'dztip rbidinedmi.

Tiba guienne wgabguitsdmi

Tiba gzane guielewdzië'

Traducción: Oscar Méndez Espinosa (cisyautepequeño)